



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

7. Creditæ nobis divinitùs &c. Extensis Facultas transferendi Pensiones  
usque ad summam scutorum centum monetæ aliàs concessæ Votantibus  
signaturæ Justitiæ, & Declaratio, quod etiam dimissi Votantium ...

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

EXTENSIO

Facultatis transferendi pensiones usque ad summam scutorum centum monetæ aliàs concessa Votantibus Signaturæ Justitiæ, & Declaratio, quod etiam dimissis Votantium hujusmodi Officiis eâ uti possint.

CLEMENS PAPA XI.

*Ad perpetuam rei memoriam.*

Extordium.

**C**redita nobis divinitus dispensationis ratio exigit, ut illos, qui plus laboris, & obsequii in Apostolicæ Sedis honorem, ac Ecclesiæ Catholice utilitatem jugiter perferre, & impendere non desistunt, peculiari paternæ charitatis affectu prosequentes, eis uberiora Pontificiæ nostræ benignitatis dona largiamur.

Prioris Indulti substantiam exponit.

§. 1. Aliàs siquidem Nos tunc, & pro tempore existentibus Referendariis Signaturæ nostræ Justitiæ Votantibus perpetuò concessimus, & indulgimus, ut ipsi pensiones annuas Apostolica auctoritate eis super quibusvis fructibus Ecclesiasticis reservatas, & pro tempore reservandas usque ad summam centum scutorum monetæ dumtaxat, ad favorem unius, seu plurium Personarum Ecclesiasticarum, seu Clericorum, ac aliàs pensionum hujusmodi capacium, etiam in mortis articulo, coram Notario, & Testibus, ac cum alicujus Prælati, seu Personæ in Ecclesiastica dignitate constitutæ interventu transferre (servatâ tamen formâ Constitutionis fel. rec. Innocentii Papæ XI, Prædecessoris nostri super translatione pensionum editæ) liberè, & licitè possent, & valerent, & aliàs prout in nostris desuper in simili forma Brevis die 28. Martii proxime præteriti expeditis literis, quarum tenorem præsentibus pro plenè, & sufficienter expresse, ac de verbo ad verbum haberi volumus, uberius continetur. Nunc autem Nos ad egestia Dilectorum Filiorum modernorum ejusdem Signaturæ Justitiæ Votantium merita paternè dirigentes considerationis intuitum, ac benignè perpendentes, quantum ipsi singulari sint Sedi præfate adjumento, Romanæque Curie ornameto, eosque proinde ad illorum Successores, ut alacriores in dies ad præstanda eidem Sedi obsequia reddantur, amplioris favore gratiæ prosequi volentes, & ipsorum moderniorum Referendariorum Signaturæ Justitiæ hujusmodi Votantium singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quavis occasione, vel causa latis, si quibus quomodolibet innodate existunt, ad effectum præsentium dumtaxat consequendum, harum serie absolventes, & absolutas fore censentes, motu proprio, ac ex certâ scientiâ, & liberalitate nostris, deque Apostolicæ potestatis plenitudine, præfatis modernis, & pro tempore existentibus Referendariis ejusdem Signaturæ Justitiæ Votantibus, ut ipsi, etiam dimissis Votantium hujusmodi Officiis, facultate transferendi pensiones annuas usque ad summam centum scutorum monetæ à Nobis per nostras literas præfatas, ut præfertur, concessâ uti, frui, & gaudere liberè pariter, & licitè possint, & valeant in omnibus, & per omnia, perinde, ac si Officia Votantium hujusmodi tunc exercerent, tenore præsentium, concedimus pariter, & indulgemus. Decernentes easdem præsentibus literas, & in eis contenta quæcumque, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet etiam quantumvis magno, & substantiali defectu notari, impugnari,

Merita Votantium Signaturæ Justitiæ commendat.

Eis indulget, ut etiam dimissis Votantium officii facultate transferendi pensiones illis aliàs concessa uti, & gaudere possint.

retractari, infringi, seu ad terminos Juris reducti, aut in controversiam revocari, sed adversus illas aperiitionis oris, restitutionis in integrum, aliudve quodcumque juris, facti, vel gratiæ remedium impetrari, vel intentari, aut impetrato, seu etiam motu, scientiâ, & potestatis plenitudine paribus concessio, vel emanato, quempiam in judicio, vel extra illud uti, seu se juvare posse, neque ipsas præsentibus literas sub quibusvis similibus, vel dissimilibus gratiarum revocationibus, limitationibus, aliisque contrariis dispositionibus, etiam per Nos, vel Romanos Pontifices Successores nostros, & Sedem præfatum in genere, vel in specie, aut aliàs quomodolibet, & quodcumque faciendis comprehendere, vel comprehensas censerent, sed semper ab illis exceptas, & quoties illæ emanabunt, toties in pristinum, & validissimum statum restitutas, repositas, & plenariè reintegratas, ac etiam de novo, sub quacumque posteriori datâ per eos, ad quos pro tempore spectabit, eligendâ, concessas intelligi, firmasque validas, & efficaces existere, & fore, ac illis, ad quos spectat, & pro tempore quodcumque spectabit, in omnibus, & per omnia plenissimè suffragari.

§. 2. Sicque, & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, aliove quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane, si secus super his à quoquam quavis auctoritate, scienter, vel ignorantèr contigerit attentari.

§. 3. Quocirca Dilectis Filiis Nostris ejusdem S. R. E. Vicecancellario, ac Camerario, & Causarum Curie Camera Apostolicæ Generali Auditori per præsentibus motu pari committimus, & mandamus, quatenus ipsi, vel duo, aut unus eorum per se, vel alium, seu alios easdem præsentibus literas, & in eis contenta quæcumque, ubi, & quando opus fuerit, & quoties pro parte prædictorum Votantium, seu alicujus eorum, vel aliorum interesse in præmissis pro tempore habentium desuper fuerint requisiti, solemniter publicantes, in præmissis efficacis defensionis præsidio assistentes, faciant auctoritate nostra ipsas præsentibus literas, & in eis contenta hujusmodi ab omnibus, & singulis, ad quos spectat, & pro tempore spectabit, inviolabiliter observari, ipsosque modernos, & pro tempore existentes Votantes, & alios, quos eadem literæ concernent in futurum, præsentium literarum, & in eis contentorum commodo, & effectû pacificè frui, & gaudere, non permittentes illos, seu eorum quempiam desuper quomodolibet indebitè molestari, perturbari, inquietari, vel impediri, Contradictores quoslibet, & Rebelles per sententias, censuras, & pœnas Ecclesiasticas, aliæque opportuna juris, & facti remedia, appellatione postpositâ, compescendo, legitimisque super his habendis servatis processibus, censuras, & pœnas ipsas etiam iteratis vicibus aggravando, invocato etiam ad hoc, si opus fuerit, auxilio brachii secularis. Non obstantibus omnibus, & singulis, quæ in supradictis nostris literis concessimus non obstare, ceterisque contrariis quibuscumque, Datum Romæ apud Sanctam Mariam Majorem sub Annulo Piscatoris die xii. Augusti MDCCl. Pontificatus nostri Anno Primo.

F. Oliverius.

Clausula sublatâ cum decreto irritanti.

Executores deputat. Card. V. Cancellarium, & Camerarium, & A. C.